



Iminene eo man Ajiri im Jodikdik ro rej bed Iomwin Kejbarok eo an Foster

Juon Melele in Kajinet nan Ro rej Lelok
Jiban in Kejbarok im Jikin ko rej Kejbarok
Ajiri kin Joñan Nejnej eo Emmon im Niknik

Iminene im Ainemmon-Etke Ewor Tokjen nan Ajiri im Jodikdik ro ilo Kejbarok in Foster

Jen lomnak eo ekka ilo kolmenlokjen eo an juon ajiri im jodikdik, “iminene” emoj an melelein aen in makutkut, iminene, im ien ko rekka ñan jonan yio im kolmenlokjen, im rej aikuj komman mour ko an jodikdik ro aoleb raan im kiō emelim ke ej “iminene” juon mottan eo aurok ilo an eddek juon ajiri im jodikdik (Jikin Katak Kakien kin Armij ilo Juon Jikin, 2014).

Taeo ekka an baamle ko kommane nan ajiri im jodikdik ro nejeir make ej men eo ajiri ro rej bed ilo kejbarok eo an foster rej aikuj nan aer maron tobrak ilo mour. An wonmaanlok an baamle ko ibben doon ej **waween kejbarok ko** jen elon manit ko rekauwotata kin ejmour im jodikdik ro remaron bok kwonaer ie (Moretti & Peled, 2004). Jekdon wāween an jodikdik ro ebaake baamle ko aer ej oktak iomwin ien, an woñmaanlok an baamle eo ebaake doon im kwon bedbedin lomnak ko aer ibben doon ej woñmaanlok an aurok ñan an emmon aer rüttolok (Howe, et al., 1999). Ilo ejja ien eo, bok kwonaer ilo makutkut ko alikin jikuul im ro rej kobalok ibben armij emaron jejjat an janiji mour ko an elon jodikdik ro im kebooj er ñan aer tōbrak ilo ien aer rütto.

Elane jodikdik eo ejab maron bok kwonaan ilo makutkut ko rej mennin aikuj nan aer eddeklok, rejab maron in bojak nan mour ilo ien aerrutto. Elōñ jodikdik ro im rej rüttolok im diwojlok jen kejbarok eo foster im ioon an ejellok aer jermal ak ejabwe kolla ko aer, ejellok imon aer jokwe, im kalbuj. (<http://www.jimcaseyyouth.org/about/aging-out>)

Katak ko kin komelij eo an jodikdik ej kamool kin wunin an lukkun aurok iminene im armij ro rej ebaake er ñan kōlmenlokjen eo an jodikdik. Eddeklok in komelij ibben jodikdik ej aurok wot ilo ien aer ajiri jidik. Eddeklok ilo waween aer lomnak ej walok ilo jikin eo itumaanin komelij ko an jodikdik, elabtata ilo jikin komelij eo ej komman makutkut in enbwin, im ej lale waween ad komman lomnak jimwe, bebe, ekelele, lomnak, im dābij ad jab kommani men ko rejab emmon. Mottan ko ilo komelij eo rej emakut ilo ien eddek in, lelok maron eo aikuj nan an juon jodikdik kajeon jermal im eddo ko an rutto. Ilo ejja ien eo, jodikdik ro rej mōnōnō, im emaron oktak muteir, im kōnaan ioone men ko rekaal im kajeon make lok iaer.

An eddeklok komelij eo an jodikdik ej lelok “juon ien ñan aer maron komman tobrak.” Einwot an ad ebaake armij ej aurok eo ñan kolmenlokjen ko an ajiri jidik, an armij ebaake doon ej wonmaanlok an mennin aikuj ilo ien aer rütto. Ro rej lelok jiban in kejbarok rej aikuj jiban jodikdik ro kajinete ien oktak in ilo aer lelok liminene” ko im jiban aer lomnak kin kelet ko aer ilo mour (Henderson, 2011; Farruggia, 2006).

Im elablok, ajiri im jodikdik rej aikuj kejbarok im iminene bwe ren maron kolablok ibben doon. Kobalok ibben doon ej juon “aurok eo ear komman ilo aer lelok nan waween aer ebaake ro jet kin ilo aer tomak im karool jouj ko an doon” (JLC, 2015).

Komelele ko:

“Jejjet nan jonan yio” melelein juon makutkut ak men ko ekka aer meleim einwot ear ekkar nan juon ajiri kin jonan yio eo an im jonan an jela kolmenlokjen. Ekkar nan jonan yio ej ekkar nan jonan an jela katak, lomnak, kojerbal enbwinnin, im mantin im ekka nan jonan yio eo ej bed ie im kumi in armij ro rej jonan wot ae. Ilo waween eo nan juon jejjetin ajiri, makutkut ak men ko rekkar nan ajiri eo ekkar nan jonan eddek eo an ilo an ajiri eo maron katak, lomnak, kojerbal einbwinnin, im mantin.

“Baamle eo ej Lelok Jiban in Kejbarok” ak **“armij eo ej lelok jiban in kejbarok”** melelein juon baamle ak armij ak rierbal eo emoj jitone nan juonjikin lale kumi in ajiri im ej: (1) Ewor an laijen jen Obij eo ej Bok Eddon Jiban ko an Armij nan lelok kejbarok in foster iomwin jidik ien nan ajiri ro rej bed iomwin kakien eo an obij eo ilo juon jikin kejbarok inabojin imon jokwe eo aer.

“Jikin Kejbarok Ajiri” ak **“imon kumi in armij”** melelein jabdewot jikin ak imon kumi in armij ej laijen jen obij eo nan bok jiljino ak lablok ajiri ro rejab nukki ibben doon nan aer lale im kejbarok iomwin jidik ien im ejenolok jen armij ro rej bok eddoier iomwin kakien kin donoul emen awa nan aer ebok kolla.

“Rikejbarok in CCI” beba in ej kwalok kin rikejbarok in CCI ilo jikin eo im emoj komelele ej juon jinen ak jemen eo ej lelok jonan nejnej eo eniknik ilo juon Jikin Kejbarok Ajiri (CCI). Kajojo CCI enaj kalikar bar juon armij einwot “rikejbarok” eo ilo jikin eo im an eddo kommane ekeelel ko rej niknik kin nejnej ñan kajojo ajiri ro rej bed iomwin kejbarok eo an. Aoleb ien jermal ko enaj wor juon rikejbarok ilo jikin eo emoj kalikar im ej ebok katak kin jonan nejnej eo emmon im niknik im maron komman jemlok ko ikijen an ajiri eo bok kwonaan ilo makutkut ko rekkar nan jonan yio in kolmenlokjen eo an. Aikuj kalikar juon armij eo ej rikejbarok, ejab juon kamiti ak obij.

“Emoj kile ej Kejbarok lomwin Kakien”-(einwot komelele ilo HRS 346-17) Jabdewot armij eo ej lelok jiban in kejbarok ak jikin eo ej lale ajiri enaj lelok juon beba in kamool komelim ekkar nan jekjon in eban aikuj bok eddo ilo juon madmodin kakien nan bok wonnen ko renaj walok jen jorraan, mij ak jako eo an juon armij ak mweiuk im ej jemlok ilo an komelim ajiri eo iomwin rikejbarok ak imon foster eo nan bok kwonaan ilo juon makutkut alikin jikuul, kolablok kapeel, manit, ak koba ibben ro jet; elane komelim eo ej ekkar nan jonan eo emmon im niknik nan nejnej einwot komelele ilo taitol 42 Kakien eo an Amedka jekjon 675 (10) (A).

“Jonan nejnej eo emmon im niknik” melelein jonan eo emoj an walok kin kelet ko ikijen nejnej retiljek im wor tokjeir im rej kejbarok an ajiri bed ilo ejmour, kejbarok, im men ko emmon tata nan ajiri eo ilo ejja ien eo ej rojan eddek eo an ajiri eo ilo an lomnak im kolmenlokjen, im armij eo ej lelok jiban in kejbarok im rikejbarok eo an CCI ilo jikin eo enaj kojerbal ilo ien an lomnak elane ej komelim an ajiri eo ej bed iomwin kejbarok nan bok kwonaan ilo makutkut ko alikin jikuul, kolablok kapeel, im kobalok ibben ro jet.

“**Jodikdik ro**” ilo beba in enaj ba jodikdik ro ilo kejbarok eo an foster einwot “jodikdik eo” ak “jodikdik ro” kinke “iminene” melelein emoj loe einwot juon armij im ejab juon “ajiir in foster”.

“**Ainikien Jodikdik**” ej lelok ien im jiban nan an jodikdik ro kwalok konaan, aikuj, im abnono ko aer ilo juon mejatoto eo ejellok uwota. Ainikien Jodikdik ej koba jodikdik eo ej bok kwonaanⁱ, ej ne jodikdik ro rej lukkun bok kwonaer im itok limoier, monono kin juon abnono, madmod, ak mauitkut. Renaj make rojan er make im kojerbal kapeel ko aer ilo imon jokwe, jikin ko ilobelej, im ro rej ebaake er. Rutto ro rej bed ilo juon jermal aurok einwot Ainikien Jodikdik einwot ro mottaer rej lelok jiban nan jodikdik. Emoj katmane an rutto rojan an jodikdik ro make rojan er make, lelok jiban nan jodikdik, im jiban er kin jabdewot men eo remaron aikuj.

Ilo ien jodikdik ro rej lelok rojan ilo mour ko aer make, rej kolablok ien nan an wor tobrak im kadiklok an walok manit ko ewor uwota im kelet ko rejab emmon. Ilo ien emoj rojan jodikdik im remaron kojerbal ainikier im ebok jiban jen rutto nan kommane kelet ko kin mour ko aer make, renaj kajur im mennin ej jiban kakajur lomnak ko aer make. Juon jodikdik aikuj kain jiban im jermal rot in ilo ien aer jodikdik nan aer maron ruttolok nan jodikdik ro emmon aer bed.

Jodikdik ro rej kojerbal kapeel in rojan ko aer make ilo imon jokwe, jikuul, jermal, jikin ejmour, waween nejnej im nan ro rej ebaake er. Jet waanjonok in jodikdik ro rej kojerbal kapeel ko aer:

Juon jodikdik ekonaan boke juon jermal alikin ien an jikuul im 16 an yio, jonan yio eo emelim iomwin kakien in boke juon jermal ilo Hawaii. Rej kajitok ibben ro rej lelok jiban in kejbarok im rijerbal in social work eo elane remaron bok juon jermal iturin jikuul eo aer im kallimur ko enaj emmon wot katak ko aer im kakwoj jidikin jaan eo ilo akkoun eo ilo paan.

Juon jodikdik ekonaan kajeon nan juon ikkure ilo jikuul. Renaj kajitok ibben armij eo ej lelok jiban in kejbaroke nan jibane kabok kobwebween men ko ej aikui nan an etal in kateruru im kajitok ialen nan im jen jikin katak eo ilo ien renaj tobrak nan ikkure eo.

Jodikdik eoekonaan ikkure basketball nan high school eo an. Enaj kajitok ibben armij eo ej lelok jiban in kejbaroke im rijerbal in social work eo nan jibane kabok jaan nan wonnen uniform, kein jermal, im ialen nan im jen ien katak ko.

(2012 Komelele kin Ien Kotobar ko ñan Jodikdik an Jim Casey)

“**Kobalok Ibben Doon**” ej aurok eo ej walok jen jolok ien nan ebaake ro jet kin madmod ko ewor tomak im karool emmon eo nan doon.

“**Iminene**” emoj komelele jen jodikdik ro rej bed ilo kejbarok eo an foster ej melelein, mottan juon baamle eo ewor kejbarok im jiban, ebaake doon ilo waween ko rej lablok im lelok kabilok, bok kwonaer ilo makutkut ko alikin jikuul im an aoleb raan, juon armij, ejab

juon āt wot, im komman kelet, kajeone men ko rekaal im jet ien komman bōd. Kotlok an wor bōd bwe en ien lelok katak im ejab jerbal nan kajitok an ajiri/jodikdik eo etal.

“Jekjek ko ikijen kejbarok” ro rej lelok jiban in kejbarok im rikejbarok ro an CCI ilo jikin eo renaj komman im jiban jekjek ko ewor kejbarok nan kadiklok an walok jorraan im kajool nan ajiri, im waween kejbarok ko ekoba:

- **Kajur eo an Jodikdik**-jiban ajiri/jodikdik eo lale an inebata im kolablok an maron jerbal ilo an ioone men ko rej lelok inebata, aban, ak jelmae; jemlok eo enaj eddeklok im oktak eo emmon.
- **Ebaake Ro Jet**-jiban an emmon im niknik aer ibben doon ibben armij, jikin ko, jukjukinbed, im lelok kajur nan aer kommane kelet ko remmon.
- **Jela kin an ruttolok ajiri im jodikdik**-melele kin waween ruttolok ko an jodikdik rej make wot, kojejjet kutien waween lelok komelele ko rekkar im jiban an ajiri/jodikdik eo melele kin aer ruttolok ilo ien eo.
- **Maron eo an Ajiri eo ilo an Bed Iturin ro Jet im Lomnak**-jiban ajiri/jodikdik eo kolablok kapeel im mutier rej aurok ko nan kommane aer make maron make kalikar er im bojak nan aer tobrak, jela bok eddo, im kabwe aikuj ko aer ilo ien aer rutto.
- **Jiban ko emoj kabini ilo ien aikuj**- jiban ajiri/jodikdik eo melele kin aurok in kajitok jiban im rojan nan emake, ebok jonan jiban ko emmon jonaer im emoj kommani nan kejbarok ao eo an juon ajiri/jodikdik, lelok ien nan kolablok kapeel im jiban eddeklok in enbwin im lomnak.

Kakien eo ej Kejbarok an Ejellok Wia Kake Armij kin Mantin Lon im Kakajur Baamle (Kakien an Armij 113-183)

Emoj kar jaini kakien in ilo Jebtomba 29, 2014, kajeon kolablok ien ko nan an ajiri/jodikdik ro ilo kejbarok in foster bok kwonaer ilo makutkut ko rekkar nan ruttolok einwot field tureep ko, kiki in bon ko im makutkut ko jet alikin jikuul. Iminene kein rej komelim an jodikdik ko kolablok kapeel ko aer, im kolablok kapeel in makutkut ak jerbal, im emmon aer ebaake ro jet rej jonan wot er im rutto ro rej lelok jiban nan er. Iminene im ien ko rekaal—jekdon men ko remmon rej kommani —rej jiban ajiri/jodikdik lale won er im katak kin aer komman aer kapeel in kelet ko rauruk ilo ien rej ebok jiban jen ro rej lelok jiban in kejbarok. Kakien kaal eo ej aikuj an state eko lelok eddeklok eo emmon nan jodikdik ro rej bed iomwin kejbarok kin kojejjet kutien melele in kajinet kin “nejnej eo emmon im niknik” nan kelet ko armij eo ej lelok jiban in kejbarok im rikejbarok ro an CCI ilo jikin eo rej kommani.

I. Kojerbal Jonan Nejnej eo Emmon Jonan im Niknik

1. Jonan Nejnej ko Reniknik

- a. **Jonan nejnej eo emmon jonan im niknik** ej walok jen kelet ko an jinen im jemen etiljek im wor tokjeir im ej kejbarok ejmour, kejbarok im

men ko emmon tata im ilo bar ien eo ej rojan eddeklok in lomnak im kolmenlokjen eo an ajiri eo im juon armij eo ej lelok jiban in kejbarok ak rikejbarok in CCI eo ilo jikin eo enaj kojerbal nan lale elane ej komelim an ajiri eo ej bed ibben armij eo ej lelok jiban in kejbarok ak rikjebarok eo an CCI bok kwonaan ilo juon makutkut alikin jikuul, kolablok kapeel im makutkut ko ej kobalok ibben ro jet.

- b. An jerbal jonan eo enaj aikuj an armij ro rej lelok jiban in kejbarok im rikejbarok eo an CCI ilo jikin eo jela im melele kin kajur im aikuj ko an ajiri/jodikdik ro rej likut ilo moko mweir. Ro rej lelok jiban in kejbarok im rikejbarok in CCI ro ilo jikin eo rej aikuj kenono, riit, leto letak ibben ajiri, botab ta eo armij ro rej lelok jiban in kejbarok im rikejbarok ro an CCI ilo jikin eo lukkun jela ej waween aer leto letak elab an komman oktak nan eddeklok eo an juon ajiri/jodikdik ilo an kojerbal naan, melele, im kapeel ilo an kolmenlokjen.
- c. Aoleb ajiri/jodikdik eo ej bed ilo kejbarok eo an foster, jekdon lal in armij eo ej kobalok ibbeir, lal eo aer, utamwe, waween aer kelet ne rej kora, emman, ak bar juon, jonan yio, kora ak emmaan, kabun, ewor aer maron nan kobalok ilo makutkut ko alikin jikuul, kolablok kapeel im kobalok ibben ro jet ilo an ekkar nan jonan yio ko aer.
- d. Aoleb ro rej lelok jiban in kejbarok im rikejbarok ro an CCI ilo jikin eo rej aikuj kojerbal jonan nejnej eo emmon jonan im niknik ilo aer lale elane rej komelim an ajiri/jodikdik eo bok kwonaan ilo makutkut ko alikin jikuul, kolablok kapeel, kobalok ibben ro jet, ak manit.
- e. Ro rej Lelok Jiban in Kejbarok im rikejbarok ro an CCI ilo jikin eo rej aikuj lelok juon mejatoto eo ej jiban eddek im ej rojan eddek ilo lomnak im kolmenlokjen im ej lelok juon iminene eo elabtata an einwot baamle jonan aer maron.
- f. Ro rej Lelok Jiban in Kejbarok im ri-erbal ro an CCI rej bed jikin eo rej aikuj jiban ilo eddeklok eo an ajiri/jodikdik ilo kejbarok ilo aer kojejjet kutien ekelel in jonan nejnej eo emmon jonan im niknik im ej jiban ejmour, kejbarok, im men eo emmontata nan ajiri eo. Kelet kein remaron koba ien ko rej komman kelet ko remmon einwot kain ko ekka aer komman jen ibben jinen im jemen ajiri ro rejab bed ilo kejbarok eo an foster. Laajrakin kakien eo ej komman "iminene" im maron nan bok kwonaan ilo makutkut ko rekkar nan kolmenlokjen im rej jiban ainemmon eo an aoleb jodikdik ro rej bed iomwin kejbarok. Jonan nejnej eo emmon jonan im niknik rej aikuj lomnak kake ilo aer kommane kelet ko emmon jonaer einwot mottan aer ruttolok.
- g. Ro rej Lelok Jiban in Kejbarok im rikejbarok in CCI ro ilo jikin eo rej aikuj komman kein jiban ko iloan baamle ko aer, ibben ro mottaer, im doulul ko ilo jukjukinbed ko aer nan jiban ien eddeklok ko nan aoleb ajiri/jodikdik ro rej bed ilo kejbarok eo aer.
- h. Ro rej Lelok Jiban in Kejbarok im rikejbarok in CCI ro ilo jikin eo rej aikuj komman im jiban **waweenkejbarok ko** i nan kadiklok an walok jorraan im kajool nan ajiri, im **kejbarok kein** ekoba: an jodikdik ro kajur, kobalok ibben ro jet, jela kin eddeklok an ajiri im jodikdik, maron eo an juon ajiri ilo an bed iturin ro jet im lomnak ko an, im jiban ko rebin ilo ien an aikuj.

2. Lomnak ko nan Kojerbal Jonan Nejnej ko Reniknik

Ilo ien aer kojerbal jonan nejnej eo emmon jonan im niknik, kajojo armij eo ej lelok jiban in kejbarok im rikejbarok in CCI ilo jikin eo rej aikuj lomnak kin laaajrak:

- a. Jonan yio, kolmenlokjen, im jonan eddeklok eo an ajiri eo nan kejbarok aoleben ejmoour im kejbarok eo an ajiri eo.
Waanjonok: Jekdon ajiri eo 14 an yio, juon bija ej PG-13 enaj ke wor kobban bija eo ajiri eo ejab maron alwoje ilo an naj ejellok abnono kin mantin ak lab lomnak ko an?
- b. Uwota ko remaron walok im ta ko rekkar nan makutkut ko alikin jikuul, kolablok kapeel, ak makutkut ko rej kobalok ibben ro jet.
Waanjonok: Ta oktak in uwota eo ilo komelim an juon jodikdik uwe ibben juon mottan nan jikuul ak komelim an jodikdik eo uwe ibben armij eo mottan nan juon ien kojanjan ilo bon?
- c. Bwe en emmon tata nan ajiri eo, ekkar nan melele eo emoj an armij eo ej lelok jiban kejbarok jela im rikejbarok eo an CCI ilo jikin eo.
Waanjonok: Kaam eo rar kiki in bon ear ke kelet kinke emmon tata nan ajiri eo im ej men eo ekonaan, ak ej ke nan lelok juon “kakkije” nan armij eo ej lelok jiban in kejbarok ak rikejbarok eo an CCI ilo jikin eo?
- d. Aurok in rojan eddeklok in lomnak im kolmenlokjen eo an juon ajiri.
Waanjonok: An bed ilo kumi in soccer ak football enaj ke jiban kolablok lomnak eo an ajiri eo kin emake im komman an kapeel in bed iturin armij im ajiri eo aikuji?
- e. Aurok eo nan lelok nan ajiri eo iminene in einwot juon baamle nan jonan eo emaron.
Waanjonok: Mennin ej ke juon men eo armij eo ej lelok jiban in kejbarok ak rikejbarok in CCI eo ilo jikin eo nej kar kommane nan molin ak kokkaajriri ro nejnin? Ej ke ede eo men ej kabojrak makutkut im kakien eo an obij eo?
- f. Melele ko maanlok kin muton, lomnak, im uwota an ajiri eo im maron eo an ajiri eo nan an ejellok uwota in an bok kwonaan ilo juon makutkut eo rej lemaanlok.
Waanjonok: Nan melele ko maanlok kin lomnak ko an ajiri eo, komelim an jera ej ke juon jemlok in nejnej eo eniknik? Emoj ke an ajiri eo elo melele im mennin jiban ko nan an kommane juon jemlok eo ekkar.
- g. Konaan im men ko eitok limoon jodikdik eo kaki.
Waanjonok: Jodikdik eo ekonaan uwe ilo jikeet boot. Ewi toan an kar jikeet boot? Ewi waween aer naj lale an workejbarok? Ia eo jodikdik eo enaj jikeet boot ilo jikeet paak ko? Ajiri/jodikdik eo enaj ke ekonak kein kejbarok emake?

3. Rojan an Maron Bed ilo Makutkut ko Rekkar nan Jonan Yio eo an im jiban “Iminene”

Kotobar eo kin jonan nejnej eo emmon jonan im niknik ilo komelele eo an obji eo ej bok eddon ainemmon im ejmour eo an ajiri ej kajeon bwe ajiri im jodikdik ro ren iminene ilo kejbarok bwe en maron wor ien im iminene ko aaleb jodikdik rej kommane im enaj tobrak an emmon ien aer ajiri im jodikdik.

- a. Rojan an ajiri/jodikdik, ekkar nan jonan yio im kolmenlokjen eo an, ñan bok kwonaan ilo makutkut ko rekkar einwot makutkut ko rej kobalok ibben ro jet im alikin jikuul, lale ajiri, jermal/katak ak lelok ien ko aer, ien ko rej katak jermal kapeel ak jermal, kebaaak armij ro uwaan baamle im niknik ilo aer kojermal talebon.
- b. Komman jemlok in awa in aer maron etetal nan jonan eo emmon im ekkar nan yio eo aer im rojan aer bokake awa ko.
- c. Komelim aer bok kwonaer ilo makutkut ko ilo kombutor im kein jermal kapeel, ekoba kojermal talebon cell im social media kin komelim ak ewor rej lale jen armij eo ej lelok jiban in kejbarok im rikejbarok ro an CCI ilo jikin eo.
- d. “Lelok ien bwe ajiri/jodikdik eo en maron bed iturin armij im bok kwonaan ilo mennin kamono im rej iminene ko ekka an mour.” Ajiri/jodikdik eo emaron etal in kiki in bon ak ito tak ko emoj bebe kaki im rej jiban an komman im ioon iminene in mour, toon wot an armij eo ej lelok jiban in kejbarok im ewor ak laijen im rikejbarok eo an CCI ilo jikin eo loe ke ito tak eo ejellok uwota im ekkar.
- e. Kojellaik rijermal eo jen Obij eo ej Bok Eddon Ainemmon im Ejmour an Ajiri (CWS) kin ito tak ko rej etal in kiki elablok jen ruo bon, mokta jen an walok makutkut eo.
- f. Jela lomnak kin komelele ko an jinen ak jemen eo juon kin kain makutkut rot ko rekonaan bwe ajiri eo nejir en kobalok ie, im elane emaron, kobaiki er ilo ami ekelel.
- g. Etale kin melele ko maanlok ejab mennin aikuj nan an ajiri eo bok kwonaan ilo jikuul ak jukjukinbed im makutkut im ito tak ko ikijen manit, einwot field tureep ko an jikuul, jera, kaam, kiki in bon ko im makutkut ko ibben ro mottaer, nukkie, jikuul, im kumi in kabun ko.
- h. Lolojrak an ajej kolla ko rekkar nan jonan yio im rojan an lale jaan ko an ilo waween eo ekkar.
- i. Loloorjak oktak in iminene ko an ajiri/jodikdik eo ilo ien an bed ilo kejbarok eo foster ekka nan kain iminene ko an jabdewot ajiri ejja jonan yio eo.
- j. Kabok ien ko nan lelok katak kin an jela make lok ian, jino jen ien eo ej ajiri. Lelok ekelel, rojan (emmon jonan) an bok uwota im komelim an ajiri eo komman bōd rej aaleb waween ko jinen im jemen rej kolablok kapeel im komman aer maron jela make lok iaer.
 1. Melele ko aer bōk uwota ko an jodikdik ej juon men eo ekka im emmon. Rutto ro aurok ijo kwonaer in lelok jonan lale eo ekkar im lelok jonan ko, im rej komelim an jodikdik eo katak jen bōd ko an ilo juon mejatoto eo ewor kejbarok.
 2. Ajiri/jodikdik ro rejab aikuj mijak in luuji jikin eo renaj likut er kinke rej komman bōd.

4. Bok Melele im Jiban

Ro rej lelok jiban in kejbarok im ri-erbal ro an CCI ilo jikin eo remaron ilo jabdewot ien bok melele ibben juon rijerbal in CWS im ro jet ilo ien madmod in komman kelet elane rejab jela are repok kin aer kojerbal melele in kajinet ko. remaron ilo jabrewot ien konono iben ri-jerbal ro an CWS im ilo ien eo rej koman lomnak ko elane rejab melele ak rejaje kake ir ikijen pepa inkanne eo nan komane lajraak ko. Rej aikuj bar bok melele ibben ajiri/jodikdik im kumi eo an ajiri eo (rijerbal in CWS, GAL, rijerbal eo ej lelok jiban in kainemmon, im ro jet...) elane aikuj etal jiban ak katak kin waween lelok jiban nan jodikdik eo kin abnono ko ikijen manit, kumi in armij ro lalin rej kobalok ibbeir, ak kabun im bareinwot abnono ko ikijen aer lomnak kin jera/im aer leddik ak laddik.

Ro rej lelok jiban in kejbarok im rikejbarok ro an CCI ilo jikin eo rej lelok juon mejatoto eo ej lelok ainemmon, jiban im ejellok kalijeklok nan jodikdik, botab rej rojan aer kabok jiban ilo ien rej aikuj.

5. Kakien ko an Jikin Ekajet Emoj aer Walok

Juon rijerbal eo ej lelok jiban in kejbarok im rikejbarok eo an CCI ilo jikin eo ikijen makutkut ko rekka eban oktak nan kakien eo an jikin ekajet ilo torre in. Waanjonok, elane ewor ien lolak ilo kakien eo an jikin ekajet ibben jinen im jemen ajiri eo ilo raan in Jadede, juon makutkut eo ewor iminene im emoj bebe kake ak emoj komelim jen ibben armij eo ej lelok jiban in kejbarok im rikejbarok in CCI ilo jikin eo eban auroklok jen kakien eo an jikin ekajet nan ien lolak eo ilo Jadede.

Obij eo enaj kojejjet ien an kojellaik armij eo ej lelok jiban in kejbarok im rikejbarok eo an CCI ilo jikin eo kin kakien eo an jikin ekajet bwe armij eo ej lelok jiban in kejbarok an maron komman bebe kin makutkut ko an ajiri/jodikdik eo ilo an ekkar.

6. Kajitok ko nan jiban ro rej lelok jiban in kejbarok kin madmod in komman kelet eo ewor iminene:

- Makutkut in ej ke jiban eddeklok in kobalok ibben ro jet?
- Ewi jonan ao jela kajeen ajiri/jodikdik in?
- Emoj ke an ajiri/jodikdik eo neju kwalok an jela kolmenlokjen in kommane juon kelet eo ekkar nan jonan yio/maron eo an?
- Inaj ke komelim an ajiri eo neju make bok kwonaan ilo makutkut in?
- Won eo enaj bed ilo makutkiu kein?
- Ajiri/jodikdik eo neju ej ke melele kin aikuj ko an ikijen takto im remaron ke ba nan ro jet waween aer jiban er elane aikuj?
- Makutkut in enaj ke rube juon kakien an jikin ekajet eo?

- Awa in makutkut eo enaj ke kakkure ien lolak eo ibben ajiri ro jein im jatin ak jinen im jemen, ien an koonjel, ak ien an takto?
- Ajiri/jodikdik eo neju ejela ke won eo en kurluk im ta eo en kommane ilo ien ewor idin jorraan?
- Ajiri/jodikdik eo neju emelele ke ta ko katmane jen jinen im jemen ikijen awa in jab ito tak, komelim nan oktak ko rejidimkij nan bebe im maron jab loor men ko emoj katmani?
- Ajiri/jodikdik eo neju maron ke kejbarok er make?
- Elane emaron im ekkar, emoj ke ao ebok melele ibben molin jinen im jemen ajiri/jodikdik eo ibban kin lomnak ko an kin an ajiri eo nejear bok kwonaan ilo jejetin makutkut eo?
- Makutkut eo enaj ke kakkure bebe in kejbarok eo im emoj ke kar kenono kin mennin ibben ajiri/jodikdik eo?
- Ijela ke kin mennin jiban ko remaron jiban armij eo ej lelok jiban in kejbarok

II. Lomnak ko Rejenolok nan Kojerbal Jonan Nejnei eo Emmon Jonan im Niknik

Juon mottan jodikdik ej bukot waween am kalikar kwe make im enjaake an melim am kobalok. Jodikdik ro rej kommane mennin ilo aer kobalok ilo makutkut ko rej kolablok kapeel im konaan ko aer, botab bar ilo aer bukot waween aer melele im kalikar er make ikijen ia eo rej itok jene ilo lal in, kumi in armij ro rej kobalok ibbeir, im kabun. Komelele in emaorn bar bok waween aer bukot ak kajitok waween aer kalikar lomnak in konaan ko aer im aer leddik ak laddik.

Bar juon lomnak eo ejenolok ej kojerbal jonan nejnei eo emmon jonan im niknik ej kalikar im jolok aban ko jejetin kumi in jodikdik ro remaron ioone nan jonan yio eo aer ekkar im makutkut ko rekkar nan kolmenlokjen eo aer. Waanjonok, jodikdik ro rebororo ak jinen im jemen im jodikdik ro ewor aer utamwe remaron aikuj jiban eo elabok nan aer bok kwonaer ilo makutkut ko rekkar nan jonan yio ko aer. Kalikar im karoke jiban kein rej mottan aer kojerbal jonan eo im ej aikuj koba ilo bebe in keij eo.

1. Ainikien Juon Jodikdik

Kile ainikien jodikdik eo im ewor an jodikdik ro maron nan juon mejatoto eo ewor kejbarok im jiban ilo aer lale abnono ko ikijen lomnak in jera ko aer, abnono ko ikijen utamwe im won er einwot juon armij. Jiban jodikdik eo kin ta eo rej ioone, jab kalijelok er kin jabdewot oktak im jiban jodikdik eo bwe en

jela kwalok ainikien. Ro rej Lelok Jiban in Kejbarok im rikejbarok ro an CCI ilo jikin eo remaron aikuj jiban jodikdik eo bwe ren rojan nan er make nan aer tobrak jen kabanban ko remaron iooni ilo mour ko aer. Emaron wor juon aikuj nan kabok katak, jiban im/ak kapeel nan jiban jodikdik eo.

2. Jela kin Mani

Kalika Armij ro rej Kobalok Ibbeir im Lal:

Ilo ien juon ajiri/jodikdik ej jen kumi in armij ro jen bar juon lal oktak rej likut ilo imon juon eo ej lelok jiban in kejbarok ilo juon Jikin Kejbarok Ajiri (CCI), armij eo ej lelok jiban in kejbarok im rikejbarok in CCI eo ilo jikin eo rej aikuj bok ien nan katakini er make kin mani eo an ajiri/jodikdik eo. Mennin ej kwalok ke rejab kautiej wot ajiri eo botab bar molin baamle eo an ajiri eo.

An jodikdik eo kalika emake ej kaju kobalok nan mani im kumi in armij jen lal eo an. Juon waween lelok jiban nan jodikdik eo ej komelim an kalika mani eo an ilo am kile im jela kin raan in holiday ko, mani, ekelel in mona im mani ko remaron mottan mani ko an. Ro rej lelok jiban in kebarok im rikejbarok in CCI ro ilo jikin eo remaron kelet in bed ilo makutkut ko jukjuginbed eo ej kollaiki, makutkut ko an armij ro jen lal ko jet, festival ko, im makutkut in kojerammon ko jet kile waween an ajiri eo kalika ej riia.

3. Lomnak ko ikijen Komman Bar im Kejbarok Kil:

Jede in Armij aurok nan kijwoj aoleb, ekoba ajiri/jodikdik ro. Ro rej lelok jiban in kejbarok im rijerbal ro an CCI ilo jikin eo im rej kejbarok ajiri ro jen kajojo kain armij in lal in, remaron ioone waween komman bar im kejbarok kil ko roktak jen er make. Bok melele jen ro uwaan baamle eo an ajiri eo nan rojan ikijen waween kommane boran im kilin ej waween eo emmon tata nan bok jejetin melele kin waween am kejaboke boran, kilin, im enbwinnin ajiri eo. Ilo ien ejab maron, bok melele ibben jikin jiban ko rekka einwot, takto eo an ajiri eo, armij eo ewor an kapeel kin make up im men ko jet.

4. Kabun & Jitob

Kelet im bok kwonaam ilo juon kabun ekka aer watoke ej mottan maron ko an jinen ak jemen nan ajiri eo nejeir im ej kejbarok jen Jemenei eo an Amedka im enaj bin jekon ne juon ajiri/jodikdik enaj delone kejbarok eo an foster. Maron kein rejab jemlok kin melele in kajinet kein. Botab, aurok ko laajrak rej aikuj lomnak kaki ilo ien an juon jodikdik kajitok in bok kwonaam ilo juon makutkut in kabun im ilo ien an kobalok juon jodikdik ibben juon armij eo ej lelok jiban in kejbarok kin kabun eo an rikejbarok in CCI ilo jikin eo.

- a. Jinen im jemen ajiri eo ewor aer maron in kwalok konaan ko aer ikijen kabun, jitob, ak makutkut ko einwot nan ajiri eo nejeir.
- b. Jonan yio eo ekka nan ajiri eo emaron kelet makutkut in kabun ak jitob eo ekonaan bok kwonaan ie.

- c. Ewor ajiri/jodikdik ro baamle ko aer rejab kelet kabun im jet ro rej lelok jiban in kejbarok ak rikejbarok in CCI ilo jikin eo, kabun ak jitob emaron juon mottan eo aurok ilo mour ko an baamle ko aer. Emelim ke kur ajiri/jodikdik eo bwe en bok kwonaan, botab jab lelok bwe en jar ilo kabun eo an ajiri/jodikdik eo.

Jouj im lale jekjon eo an kajitok im uwaak ko ijin lal nan jejjetin Kakien in Madmod ko an Hawaii (HAR) 17-1625 im 17-1627 jiban maron ko iomwin jemenei nan ajiri im kabun ko aer.

5. Ajiri im Jodikdik ro: Kelet ñe rej Kora ak Emmaan im Waween aer Kalikar/Lomnak ne rej Kora ak Emmaan

Bukot waween aer kalikar ne rej kora ak emmaan ej juon mottan eo ekkar ilo ad ruttolok. Ajiri im jodikdik ro rej kalikar rej LGBTQ rej aikuj lelok ejja ien ko einwot ajiri/jodikdik ro jet. Ilo ejja ien in wot, remaron aikuj jiban ko relablok im jenelok nan lale aer bukot aer kalikar er make ilo juon mejatoto eo ejellok uwota im ainemmon. Mennin emaron koba: bok kwonaan ilo kumi in jiban LGBTQ, ak makutkut ko an doulul in LGBTQ, ak katak kin kain oktak ko ilo nuknuk ak waween aer kwalok er make. Maron oktak ej aikuj nan jodikdik ro rej bok kwonaer ilo makutkut ko remaron komman jikin ko ewor kejbarok nan LGBTQ ro rej bed ilo kejbarok eo an foster. (Maron oktak ej mennin aikuj ilo an komman makutkut ko rekkar nan jodikdik in LGBTQ ilo kejbarok eo an foster nan loloorjak eddeklok in kejbarok im ejmour eo aer).

Ro rej lelok jiban in kejbarok im rikejbarok in CCI ro ilo jikin eo rej aikuj kabok jiban im melele kin jiban im ien ko nan an ajiri im jodikdik in LGBTQ elane rejanin de jela, kabok aer bok melele ibben rijerbal in CWS eo, rijerbal eo ej lelok jiban in kainemmon, im jiban ko jet rekkar ilo ien aikuj. Nan an juon jodikdik eo maron loe makutkut ko emmontata nan jejjetin aikuj ko aer, jikin makutkut ko remaron lablok aer ettolok innem aikuj jiban ikijen ial im ak kommane juon jemlokin awa in aer etetal.

Jet lomnak ko jet relablok nan jodikdik ro rej LGBTQ emaron koba:

- Lelok im kejbarok nuknuk ko rej einwot an jodikdik eo kalikar ae make.
- Kojerbal pronoun ko emoj an jodikdik eo kajitoke einwot: he, she (ae) im āt eo ekonaan ad kuri.
- Jiban im rojan nan ajiri/jodikdik ro rej LGBTQ ilo jikin ko iturin armij im jikin jelalokjen einwot an naj kajitok jen ibben jodikdik eo.
- Lale ajiri/jodikdik eo nan loloorjak rej enjaak ewor ej jiban er im rej komelim er ilo mweo jikuul im ilo jukjukinbed eo aer.

6. Bororo im Nejnej Jodikdik

- a) Bororo im nejnej ribororo im jemen ajiri ro rej jodikdik remaron ioon aban ko jet relablok nan aer ioon “iminene” im rej aikuj lale ilo bebe in keij eo.

Jinen im jemen rej aikuj bok jiban ilo jermal ko aer einwot jinen im jemen im bareinwot ilo aer bok kwonaer ilo makutkut ko rekkar nan jonan yio. Komelele ko rej kommani im katak ko jet rej aikuj lelok im maron eo an juon jodikdik einwot jinen ak jemen rej aikuj kaurok im jibane ilo jikin eo renaj likut. Karoke won ro rej lale ajiri eo rej aikuj bar komman bwe en wor ien nan an jinen im jemen wonmaanlok in bok kotobar ko aer ikijen jelalokjen im jermal im bareinwot iminenene ko alikin jikuul im kolablok kapeel.

- b) Jemen ajiri ro rej aikuj lelok jiban nan er im kobaiki er ilo makutkut ko ilo ien bororo im ilo ien an lotak ajiri eo nejeir nan jiban an komman juon koba ibben doon eo ekajur im ekkar nan im jinen ajiri eo jimor lale ajiri eo.
- c) Jinen im jemen jodikdik rej bok aoleb eddo ko an ajiri eo nejeir einwot jinen im jemen juon ajiri jekdon ne rej ak rejab bed ilo jikin jermal eo obij eo ej bok eddon ainemmon im ejmour an ajiri. Botab, elane emoj komakut juon ajiri jen an bed iomwin eddo eo an juon kin jorraan, kajool, ak aer make konaan komakut, enaj wor jonan jermal ko nan kejbarok an jinen ak jemen im ajiri eo bed ibben doon.

7. Ajiri im Jodikdik ro ewor aer Utamwe

- a) Ajiri im jodikdik ro ewor aer utamwe im aikuj ko rej make wot rej aikuj loe ejja ien ko nan aer bok kwonaer ilo makutkut ko rekkar nan jonan yio ko aer im ekkar nan kolmenlokjen einwot kumi ko jonan wot er im ejellok aer aikuj ko rej make wot.
- b) Ro rej lelok jiban in kejbarok im rikejbarok ro an CCI ilo jikin eo rej aikuj jermal ibben rijermal in CWS eo an ajiri/jodikdik eo nan kalikar ta jermal im/ak jiban ko remaron aikuj nan aer le mennin kabanban ko bwe ren maron kobalok. Ilo jet keij, le jen men ko rekomman aban emaron koba lelok rojan nan an ajiri/jodikdik eo bwe armij ak jikin eo ej lelok jiban, jikuul, ak doulul eo lelok mennin jiban ko nan ajiri/jodikdik eo.